

Un'ideale

Cerca sempre un ideale per a to vita fà
Ad ogni stridu di u ventu ogni ghjornu a sminticà,
A credenza in un desertu chi fece nasce l'acquata
Quandu sempre in lu so celu a speranza era stanciata.

**Per u to locu di muntagna scumpertutu d'ogni core
Chi teme u tempu ingannu è sfiere di tutte l'ore
Per u core di e zitelle è u so cantu profanu
Sò e voce di sta terra è a so speme luntanu.**

Cerca sempre l'infinitu d'una bellezza spugliata
D'indiatura arritta è cù l'abbriu lampata,
Cum'una stantera antica da u cecu alzata
E u cantu infinitu di a voce impetrata.

**Per u to locu di muntagna scumpertutu d'ogni core
Chi teme u tempu ingannu è sfiere di tutte l'ore
Per u core di e zitelle è u so cantu profanu
Sò e voce di sta terra è a so speme luntanu.**

Cerchi mezz'à u destin u agnu toiu ch'ellu porta
Duve c'era la to strada quella ch'elli t'anu tolta
U versu ch'un s'assulcina eternu in la so scrittura
Chi d'ogni morte rinasce cume una verde natura.

**Per u to locu di muntagna scumpertutu d'ogni core
Chi teme u tempu ingannu è sfiere di tutte l'ore
Per u core di e zitelle è u so cantu profanu
Sò e voce di sta terra è a so speme luntanu.**

Giramondù.